

Cofnodion Cyfarfod y 4ydd Mehefin 2018

Yn bresennol :- Y Cadeirydd **Idris Thomas** a'r Cynghorwyr, Phyllis Ellis, Elfed Wyn Williams, Aled Green, Martin Davies, Gareth Wyn Griffiths Rhian Evans-Hill a Emma Chappell.
Croesawyd y Cynghorydd Elwyn Jones

Gweddi: Offrymwyd gair o weddi gan Idris Thomas

1.Ymddiheuriadau.

Richard Ll. Jones, Gwawr Wyn Roberts, Jane Pierce a R. Hefin Williams.

Rhoddodd y Cadeirydd gair yn Llongyfarch holl blant a ieuenctid yr ardal a fu'n llwyddiannus yn Eisteddfod yr Urdd Brycheiniog a Maesyfed lawr yn Llanellwedd yr wythnos diwethaf. Diolchodd hefyd i'r athrawon a rhieni a'r holl hyfforddwyr a fu'n brysur gan weithio yn galed i sicrhau llwyddiant i'r ardal ac yn wir i Rhanbarth Eryri.

2. Ni ddaeth ein gwr gwadd Mr Roland Evans i'r cyfarfod. Y clerch i ail drefnu os yn bosib.

3.Datgan buddiant

Dim

4. Cofnodion Cyfarfod 1af o Fai 2018

Derbyniwyd y cofnodion fel rhai cywir

5. Materion o'r cofnodion

CCG – Parcio Bro Elidir, Dinorwig a Trem Eilian, Brynrefail. Cafwyd ymateb o'r diwedd. Y wybodaeth ddiwedddara ydi gan fod Cyngor Gwynedd wedi mabwysiadu y lôn ym Mro Elidir, bydd rhaid i unrhyw gais fynd i Gyngor Gwynedd yn gyntaf.

Parcio Trem Eilian -Mae CCG wedi buddsoddi arian I greu llefydd parcio ar y stad yma rai blynyddoedd yn ôl, a does dim cynllun i ychwanegu mwy.

Clybiau Ieuenctid – Derbyniwyd llythyr gan Nia Morris, Rheolwr Gwasanaeth Ieuenctid. Y Clerch i gysylltu yn gofyn am ymweliad i gael gwybodaeth ac eglurhad ar yr hyn sydd yn cael ei gynnig yn sgil yr ail fodelu.

Llythyr Diolch – Derbyniwyd llythyr o ddiolch gan riant ar ran plant Lleisiau Llanbabs, yn dilyn rhodd o £150 gan Y Cyngor tuag at gostau teithio i Eisteddfod yr Urdd. Braff yw gweld llythyr mor galonogol a diolchgar ganddynt. Ni fu llwyddiant eleni, serch hynny cafodd y plant fwynhad a phrofiad arbennig yn yr Eisteddfod, yn cynrychioli Eryri.

Cychod Blodau Rhes Faenol a Rhydfadog, Deiniolen - Derbyniwyd llythyr o CCG yn dilyn gosod cychod blodau ar eu tir heb ganiatad. Mae rhestr o 7 o bwyntiau mae'r cwmni angen cytundeb iddynt. Oherwydd natur yr hyn y maent yn ei ofyn, nid oes posib i'r Cyngor Cymuned dderbyn cyfrifoldeb. Cytunodd Y Cynghorydd Sirol i siarad gyda perchnogion y stryd, a'r clerch i ysgrifennu at CCG yn datgan derbyn y llythyr.

Blwch Post Brenhinol - Derbyniwyd llythyr ynglyn a blychau postio ac amseroedd cywir y casgliadau. Penderfynwyd gyrru yn datgan ein bod yn falch o glywed a gofyn i'r Post Brenhinol rhoi arwyddion gyda'r amseroedd cywir ar y blychau postio.

Llwybr Cerrig Gwynion 73 – Derbyniwyd cadarnhad fod y goeden a oedd yn rhwystredig ar y llwybr troed, bellach wedi ei chlirio.

Caer Goronwy – Yn dilyn llythyr pellach trwy e-byst, gofynwyd i'r clerch ateb gan ddweud mai ond nodi mai amod i beidio symyd y llwybr oedd wedi ei roi yn ein ymateb i'r cais cynllunio y bragdy ac ni fu mwy o drafodaeth arno.

6. Gohebiaeth a materion eraill

Llythyr Cyngorydd Sion Jones – Derbyniwyd llythyr gan Sion Jones yn datgan ei fod yn dymuno ail eistedd fel Cyngorydd ar y Cyngor Cymuned. Nodwyd fod cyfnod o ddau fis yn yr hysbyseb yn Eco'r Wyddfa, ac felly buasai rhaid disgwyl tan ddiwedd y cyfnod i fod yn deg gyda pawb, rhag ofn bod fwy gyda diddordeb.

Llwybr Carreg y Gath, Rhiwlas – Mae llwybr yma yn cael ei gau am gyfnod, er mwyn diogelu y cyhoedd gan fod gwaith angen ei wneud arno. Fodd bynnag, rydym wedi sylwi fod Cyngor Gwynedd yn torri eu polisi iaith, gan eu bod wedi gosod yr arwydd o gau'r llwybr dros dro yn y saesneg gyntaf ar cychwyn Carreg y Gath. Mae'r arwydd yr ochor arall yn rhoi defnydd o'r Gymraeg gyntaf. Y clerch i roi cŵyn am hyn i Wynedd gan ofyn wrthynt ei newid ar unwaith.

Cyfyngiadau Parcio – Yn dilyn sawl llythyr ynglyn a parcio i'r Cyngor Sir, maent bellach yn bwriadu cyflwyno a diddymu cyfyngiadau parcio yn Bethel :

Stryd Bellaf – Dirymu Bae Parcio Anabl

Cilan – Newid Deilydd Bathodyn Anabl Yn unig presennol I Aros Cyfyngedig 30munud. Dim dychwelyd 1 awr LLun – Sad 9 - 5

7. Cynllunio

Ceisiadau a dderbyniwyd yn ystod y mis:

Clwb Pel Droed, Bethel – Cais ôl weithredol i gadw 'portacabin' ar dir a maes parcio craiddgaled, ynghyd a cynllun tirlunio/sgrinio, bwriadedig a symund cabannau presennol oddi ar y tir. **Dim Gwrthwynebiad, gyda amod fod y coed ddim uwch na'r adeilad.**

Ceir Cymru Bethel – Adeiadu uned ar gyfer gwasaneuthu a glanhau cerbydau yn iard gefn y busnes- **Dim Gwrthwynebiad.**

The Bull Inn – Newid defnydd o dafarn dy gwag I llety gwyliau ynghyd a chreu ffenestr dorme newydd yng nghefn yr eiddor. **Gwrthwynebu ar sail nad oes digon o le parcio I gyd fynd a faint fydd yn ymweld.**

Pant Gwyn, Fachwen – Dymchwel estyniad a chodi estyniad newydd unghyd a gosod tanc septic(cynllun diwygiedig i'r hyn ganiatawyd yn wreiddiol. **Dim Gwrthwynebiad**

Parc Nant y Garth – Cais i rhyddhau amod rhif 2 o ganiatad cynllunio gwreiddiol. **Dim Gwrthwynebiad**

Llys yr Onnen – Diddymu Cytundeb Cyfreithiol oedd ynghlwm a'r caniatad cynllunio. **Gwrthwynebu yn dilyn derbyn mwy o wybodaeth**

8. Adroddiad Archwiliad Mewnol a Chyflwyno Ffurflen Flynyddol

Darllenwyd y Cyfrifon a ardystiwyd gan y Swyddog Ariannol Cyfrifol ar 14/5/18, a darllenwyd sylwadau'r Archwilydd Mewnol ar y Datganiadau Cyfrifyddu ar gyfer y flwyddyn Ariannol 2017-18. Cytunwyd gyda'r Datganiad Llywodraethu Blynyddol. Cymeradwywyd y Ffurflen Flynyddol ar gyfer Cyngor Cymuned Llanddeiniolen am y flwyddyn a ddaeth i ben ar 31/3/18 i sylw'r Archwilydd Allanol.

Diolchwyd i'r Clerch am ei gwaith trylwyr yn ymdrin a materion archwiliadau yn gofalu fod y dogfennau perthnasol yn cael eu cyflwyno fel tystiolaeth, ac am esbonio ac adrodd yn ôl ar yr archwiliad mewnol.

9. Polisi Risg

Penderfynwyd fod y polisi risg yn iawn ac nid oedd newid yn yr adolygu.

Ysweiriant

Diolch i Gareth Griffiths am adolygu cynwys ysweiriant Y Cyngor.

Nodwyd gan Gareth, tra bod yr ysweiriant yn cyrraedd safon gofynion Llywodreuthol, nid oes ysweiriant ar ein asedau. Felly, yn dilyn rhestr asedau gan Y Clerc, mae Gareth am ddilyn i fyny i gael amcanbris fel bod ein asedau megis meinciau, cysgodfannau bws ayyb o dan ysweiriant.

9b) GDPR – diweddariad

Mae'r clerc wedi cysylltu a ICO i gofrestru Y Cyngor, ac yn disgwyl ymateb yn ôl. Er ein bod wedi derbyn dogfennau i'n arwain yn saesneg, roedd rhaid disgwyl iddynt eu cyfieuthu, cyn mynd dim pellach ar ein polisi. Gobeithio y byddwn wedi cwrdd cyn mis Gorffennaf.

9c) Ceisiadu Nawdd Ariannol – Bob blwyddyn, byddwn yn rhoi hysbyseb yn y papurau Bro ac ar ein gwefan. Eleni, mae'r Cyngor wedi penderfynnu derbyn ceisiadau ar ffurflen. Cyflwynwyd esiampl i'r Cyngor o ffurflen gais, ynghyd a gofynion am Mantolen Ariannol neu gopi o cyfrifon diweddaraf wedi eu ardystio. Bydd y ffurflenni I gael gan y clerc neu au lawrlwytho oddi ar gwefan Cyngor Llanddeiniolen. Ceisiadau I law erbyn 30ain o Fedi 2018.

10. Telerau'r Clerc

Penderfynwyd sefydlu grwp mewnol i drafod telerau'r clerc, fydd yn cyfarfod ymhellach ymlaen yn y mis. Bydd Gareth Griffiths, Phyllis Ellis, Rhian Evans-Hill a R. Hefin Williams yn trafod, gan ddod a'u argymhellion i'r Cyngor llawn.

11. O gwmpas y Bwrdd

Cysgodfan Bws Rhiwlas – Angen cysylltu eto gyda Dafydd gan nad yw'r gwaith byth wedi ei wneud.

Cae Hywel – Y clerc i gysylltu yn gofyn am ddiweddariad.

Penisarwaun – Clytiau budr yn cael eu gadael yn y cysgodfan bws. Diolch i gymydog sy'n byw yn agos am eu clirio.

Deiniolen – Diolchwyd i bawb a fu mor barod i fynd ar y daith o gwmpas yn codi sbwriel yn ddiweddar. Mae'r ardal yn edrych tipyn taclusach erbyn hyn.

Brynrefail – Mae cwynion am swm miwsig uchel oriau man y bore yn dod o'r parc carafanau tu ôl i Fricsan. Cysylltu a Cyngor.

A4244 – Lon Brynrefail. Mae 3 damwain wedi digwydd yn ystod wythnos hanner tymor mis Mai ar y lôn yma. Mae deiseb dda wedi ei llenwi, ac mae Martin yn hyderus ei fod yn casglu digon o ffeithiau i brofi fod y sefyllfa wedi newid yn helaeth ar y ffordd yma.

CCG – Dywedwyd fod y cwmni wedi gyrru llythyr allan i denantiaid gyda rhestr o gostau am wahanol wasaneuthau. Bydd mwy o wybodaeth yn y cyfarfod nesaf.

Lôn Perthi – Cyflwr y lôn yn warthus. Mae'r Cyngor Sir wedi gaddo clytio y lôn eleni. Llythyr i'r adran briffyrdd yn gofyn os oes dyddiad wedi ei bennu ar gyfer y gwaith.

Tai Bryntirion – Gwylanod yn nythu ar ben y tai ar y stâd, yn enwedig ar ben 1 tŷ yn top y stâd. Cysylltu a Cyngor Gwynedd.